

TU'UTU'U I LE LOLOTO: Aso Lulu 14 Iuni 2023

FAATOMUAGA

O le tatalo faatasi, ua tatou faamanatu ai se tala faasolopito o lenei tausaga. Ae afai o le tatou va'ava'ai lea, o lona uiga ua lauiti tele le silasila. Ae tatau foi ona tatou silasila mamao i le lumana'i, ma la tatou anavatau i faapotopotoga lea tatou te soifua ai. O le agai i luma o se vasega taua tele, ma o lona taunu'uga, e mafai ona faapea, o le tali la lea o tatalo o loo tatou faia pea.

I le tusi a **Eperu 10:23–25**, o loo taua ai upu nei, 'taofi mau' 'faamoemoe' 'taufaafatupu' ma le 'ta'utino', o loo faamanatu mai ai ia i tatou pe faapefea ona tatou tatalo mo le lumana'i.

A'o tatou toe tomanatu i ta'utinoga ma folafolaga mai le Atua a'o feagai ai tatou ma talosaga, e tatau lava ona tatou faamalosi leisi i leisi, ma tau faafatupu le faatuatua o isi tagata e ala i galuega.

TOE TOMANATU

Faitau le **Eperu e 10:23–25** o loo toe faamanatu mai ai vaega ia:

²³ Ia tatou taofi mau ia i le faamoemoe ua tatou ta'utino atu ma le le fefo'ifo'ia'i.

To'atele e malamalama i le faamoemoe, ma mafaufau ai faapea "Ou te faamoemoe a e iai se mea e tupu' E le o le uiga lea o loo tautala ai le Tusi Paia. O le uiga faale Tusi Paia o le faamoemoe, o se talitonuga maumaututu e tupu. O le faamoemoe, o se faamautinoa lea o mea e le'i iloa, ma le manino lelei i lo tatou malamalama. (**Faitau le Roma 8:24–25, Eperu 11:1–7**)

ua e faamaoni o la ua folafola mai

E tusa lava pe fia ta'utinoga ua folafola mai e le Atua, o lona tali lava o le 'loe' e ala ia Iesu Keriso (**faitau 2 Korinito 1:20**)

²⁴ ia tatou manatunatu foi le tasi i le tasi, ina ia taufaafatupu ai le alofa ma galuega lelei.

'O le alofa ma galuega lelei': o misiona tauave ia. O Iesu Keriso, o le Atua lava ia, ua ia faailoa mai le fanagalo tagata o le Atua soifua – o mea uma e faia i le alofa. O le anavatau a le lotu, o le anavatau a le Atua. O loo vala'au mai le Atua ina ia tatou auai e faatinoina mea o loo ia finagalo iai i le lalolagi nei. O loo vala'au mai le Atua ina ia tatou alolofa, ma faia galuega lelei i lona suafa, ae ta'atia atu le tau i te ia.

²⁵ aua le lafoaina le faapotopotoina o i tatou, pei o le masani o isi, ae ia fefaamafanafanaa'i, ia atili ai fo'i ona faapea ia ua outou iloa o le Aso o loo tautala mai.

O lea ua tatou maua le faamalosi, ina ia tatou taofi mau i le faamoemoe ua aumai mai le Atua. O le naunautaiga, pe faapea ona tatou olaina lea faamoemoe, ma ia manatua, ia fiafia tatou e feiloa'i atu i isi tagata.

O nai fesili e faafatupu manatu:

→ le a le uiga o lou taofi mau i le faamoemoe ua ta'utino atu ia Keriso Iesu?

- E faapefea ona faailoa atu e le Atua lona alofa ma le faatuatua ia te oe talu ai nei?
- E faapefea ona e faamalosi i le faatuatua o isi tagata i lenei vaiaso?

O FAATINGOGA FAA LE AGAGA

Tatalo mo ta'utinoga

Manatua, o vaega ua faailoa mai e le Tusi Paia, e leai ni auala faapitoa e tataloina ai, ma e mafai lava ona e tatalo iai e aofia ai ma ta'utinoga ua folafola mai. E tele lava auala tatou te faaaogaina e tatalo ai, e pei la ona faailoa mai e **Efeso 2:10**. la saili se ta'utinoga e te fiafia iai i le Tusi Paia ma fa'aauau ona e tatalo iai; taumafai e sui le gagana pea mafai (faataitaiga—sui le 'tatou' i le 'ou' po'o le ta'u sa'o fo'i o lou igoa pea tatalo)

Faataitaiga:

Ae afai ua leai se poto i (so outou), (Ou) ia ole atu i le Atua, o le foa'i tele mai i tagata uma ma le le toe ta'uta'ua, ona foaiina mai ai lea ia te ia (**Iakopo 1:5**)

Saili'ili ane ma isi Tusi ia:

- **Iosua 1:9**
- **Roma 10:9**
- **Ieremia 29:11**

TATALO MO VAEGA NEI

- Tatou tatalo i le malamalama ma le malosi o le Atua e faaleagaina ai mea o le tuana'i, lea lava tatou te tauamoina ma faalavelaveina ai lo tatou agai i luma, atoa ma mea e tatau pea ona manatua, ae tatau foi ona tatanu i le tuana'i.
- Tatalo mo le atamai o le Atua, e mafai ai ona tatou faamalosi atu i isi tagata (ma i tatou fo'i) ina ia tatou tumau i le faatuatua ma faalagolago i le vala'auina mai le Atua.
- Tatalo atu i le Atua ina ia faamanatu mai ana ta'utinoga ia te oe ma tagata o loo mulimuli ia te la.

TATALO

Le Atua le Tama, tele lava o taimi matou te va'ai i le lumana'i ma le masalosalo ma le fefe, ma tu'u fesili, po'o sa'o ea le ala o loo matou ui ai. Tama, fesoasoani mai, ina ia matou manatua pea o le Tusi Paia e tumu i Au ta'utinoga mo i matou. Fesoasoani mai ina ia matou iloa ta'utinoga a Lau Afio i taimi e lofia ai i matou, ae o loo matou tutu pea ma le loto faagae'etia ma va'ava'ai atu i le lumana'i, ma fa'aauau pea ona matou faafatupu mea lelei ma faamalosi i isi tagata e faia mea silisili mo Lau Afio, ma ia mautinoa o loo matou savavali i ala ua e fa'aa'oa'o mai matou te ui ai. Amene.